



NEWSLETTER BR. 37

JANUAR 2018

SADRŽAJ

FIPA AKTIVNOSTI ≡

- » DIREKTORICA FIRME VIA MEDIA POSJETILA FIPA-U
- » AMERIKANCI OSNIVAJU SLOBODNU ZONU U BIH
- » FIPA-CIRP : ZAJEDNIČKI CILJ – VIŠE NOVIH RADNIH MJESTA U BIH
- » PRIPREME ZA UČEŠĆE NA GODIŠNJOJ INVESTICIONOJ KONFERENCIJI U DUBAJU
- » FIPA S DELEGACIJOM OPĆINE CENTAR SARAJEVO
- » ŠEF DIPLOMATSKOG UREDA BELGIJE POSJETIO FIPAU
- » DELEGACIJA FIPA-E U POSJETI OPĆINI SANSKI MOST
- » NASTAVAK AKTIVNOSTI NA PROJEKTU RITE KAMENGRAD
- » AMBASADOR JAPANU U FIPA

POSLOVNE VIJESTI ≡

- » SLOVENCIMA ŽELE ULAGATI U ZAVIDOVIĆIMA
- » NJEMAČKA I TUZLANSKA KOMPANIJA PLANIRAJU GRADITI FABRIKU KREČA

FIPA AKTIVNOSTI ≡



DIREKTORICA FIRME VIA MEDIA POSJETILA FIPA-U
UDRUŽENIM SNAGAMA DO NOVIH INVESTITORA



AMERIKANCI OSNIVAJU SLOBODNU ZONU U BIH ≡
-AMERIČKA KOMPANIJA AMG INTERNATIONAL IZ LOS ANĐELESA U FIPA-I





FOREIGN INVESTMENT PROMOTION AGENCY
OF BOSNIA AND HERZEGOVINA

PROJEKAT MODERNIZACIJE KOMPLEKSA OLIMPIJSKOG STADIONA "ASIM FERHATOVIĆ- HASE" KOŠEVO, SARAJEVO

Općina Centar je objavila Javni međunarodni poziv za iskazivanje tržišnog interesa potencijalnih privatnih partnera za realizaciju projekta modernizacije kompleksa Olimpijskog stadiona "Asim Ferhatović-Hase" Koševo Sarajevo.

Za više informacije posjetite donji link:
<http://www.centar.ba/stranica/stadion-koevo>



DIREKTORICA FIRME VIA MEDIA POSJETILA FIPA-U UDRUŽENIM SNAGAMA DO NOVIH INVESTITORA



Direktorica firme Via Media Vesna Beganović posjetila je Agenciju za unapređenje stranih investicija BiH (FIPA) kako bi se upoznala s aktivnostima koje Agencija provodi na promociji mogućnosti za investiranje u BiH, kao i najavljenom učešću FIPA-e na Annual Investment Meeting (AIM) u Dubaiju.

Direktor Gordan Milinić predstavio je rad i nadležnosti Agencije na polju promocije zemlje i pronalasku investitora, prikupljanju investicionih projekata, planu učešća na investicionoj konferenciji AIM, kao i planove na realizaciji medijske kampanje „Invest in BiH“ koju bi trebalo finansirati Vijeće ministara BiH.

S obzirom da je Via Media u 2017-toj ponovo pokrenula svoj ured u UAE , Via Media Dubai, angažirana je na brojnim projektima u GCC regiji. Imajući u vidu već izgrađenu mrežu kontakata dogovoreno je da potencijalne investitore s kojima se susreće u UAE uputi na FIPA-u radi predstavljanja mogućnosti za ulaganje u našu zemlju. Zajednička je procjena da su investitori iz UAE najviše zainteresirani za ulaganja u turizam, zdravstveni turizam, te ulaganja u infrastrukturne projekte.



AMERIKANCI OSNIVAJU SLOBODNU ZONU U BIH -AMERIČKA KOMPANIJA AMG INTERNATIONAL IZ LOS ANĐELESA U FIPA-I



Direktor američke kompanija AMG International Trading & Investment iz Los Anđelesa Neil Hamz sa suradnicima posjetio je Agenciju za unapređenje stranih investicija BiH (FIPA) gdje je s direktorom Gordanom Milinićem razgovarao o namjeri investiranja u Bosni i Hercegovini.

Investitor je zainteresiran za investiranje u različite oblasti, stim što bi započeo investiciju osnivanjem vlastite Slobodne zone na površini od 30.000m², iz koje bi proizvodnja isključivo bila namijenjena izvozu. Investitor je izrazio spremnost za ulaganje u BiH od 10 do 100 miliona dolara.

U pratnji predstavnika FIPA-e, američki investitor će obići potencijalne lokacije u BiH za svoju buduću investiciju, te će nakon analize lokacija donijeti konačnu odluku.

Navedena firma je prvobitno bila osnovana na području Bliskog istoka 1958. godine, da bi 1988. godine preselila svoje sjedište u SAD, pri tome zadržavajući svoje urede na Bliskom istoku, Africi i istočnoj Europi. Firma se bavi industrijskom proizvodnjom, međunarodnom trgovinom, upravljanjem proizvodnim objektima, i slično.

Pored SAD-a, posjeduje proizvodne pogone u Saudijskoj Arabiji, UAE, Maroku, Libanonu, Libiji, Iraku. FIPA će preduzeti sve potrebne mjere kako bi se investitoru prezentirali svi postojeći projekti u BiH, uz uključivanje svih nadležnih institucija radi uspješnog realiziranja investicije.



FIPA-CIRP : ZAJEDNIČKI CILJ – VIŠE NOVIH RADNIH MJESTA U BIH



Direktor Agencije za unapređenje stranih investicija BiH (FIPA) Gordan Milinić razgovarao je s predstavnicima Centra za investicije i poduzetništvo (CIRP) iz Mostara, na čelu s predsjednicom Dijanom Bošnjak o mogućnostima zajedničkog rada na pronalasku novih stranih investitora za BiH, pružanju podrške novim investitorima, te povezivanju investitora s privrednicima BiH.

Dogovoreno je da će FIPA učestvovati kao suorganizator panela o investicijama, koji će biti organiziran u okviru Mostarskog sajma 2018. godine na kojem Agencija tradicionalno učestvuje.

Također je predloženo potpisivanje Memoranduma o razumijevanju s ciljem zajedničkog rada na unapređenju priliva stranih ulaganja u BiH, stvaranju bolje investicijske klime na lokalnom i kantonalnom nivou, pronalasku stranih investicija, težeći ka zajedničkom cilju, a to je kreiranje više novih radnih mjesta u Bosni i Hercegovini.



FIPA-VTK: RAZGOVORI O ZAJEDNIČKOM UČEŠĆU NA KONFERENCIJI



Direktor Agencije za unapređenje stranih investicija BiH (FIPA) Gordan Milinić razgovarao je s predsjednikom Vanjsko-trgovinske komore BiH Ahmetom Egrilićem o zajedničkom učešću dvije institucije na Godišnjoj investicionoj konferenciji u Dubaiju koja se održava od 9. do 11. aprila 2018. godine.

Učešće na navedenoj konferenciji predstavlja značajne mogućnosti za promociju Bosne i Hercegovine i njene privrede, kao i za pronalazak potencijalnih investitora.

Investiciona konferencija okuplja predstavnike 140 zemalja, međunarodnu investicionu zajednicu, kompanije lidere iz cijelog svijeta iz IT i metalnog sektora, turizma, energetike, građevinarstva, proizvodnje hrane, farmaceutske industrije, investitore, donosiocje odluka.



FIPA S DELEGACIJOM OPĆINE CENTAR SARAJEVO, FIPA ĆE TRAŽITI STRANE INVESTITORE ZA KOŠEVO



Delegacija Općine Centar Sarajevo na čelu sa savjetnikom načelnika za investicije Mustafom Resićem posjetila je Agenciju za unapređenje stranih investicija BiH (FIPA) s ciljem predstavljanja projekta modernizacije kompleksa Olimpijskog stadiona "Asim Ferhatović-Hase" Koševo u Sarajevu za koji se traže strani investitori. Općina Centar je objavila Javni međunarodni poziv za iskazivanje tržišnog interesa potencijalnih privatnih partnera za realizaciju projekta modernizacije kompleksa Olimpijskog stadiona "Asim Ferhatović-Hase" Koševo, te ja dodatno zatražena podrška FIPA-e na promociji ovog projekata i njegovo prezentiranje potencijalnim stranim investitorima.

Navedeni kompleks koji se nalazi na veoma atraktivnoj lokaciji u Sarajevu, prostire se na oko 94.000 m², te omogućava pored postojećeg stadiona, izgradnju hotela, trgovačkog centra, sportsko rekreativnog kompleksa, te sličnih popratnih sadržaja. Direktor FIPA-e Gordan Milinić je informirao predstavnike Općine o uslugama koje ova Agencija pruža stranim investitorima, kao i aktivnostima na traženju i podršci novim i postojećim investitorima od registracije djelatnosti do okončanja projekta, naglasivši da investitori s kojima se FIPA susreće pokazuju interes za ovu vrstu infrastrukturnih projekata.

Istaknuto je značajno povećanje stranih ulaganja tokom 2017. godine, koje iznosi 60,6%, što predstavlja značajan rast ulaganja u BiH u odnosu na prethodne godine, kao i opredjeljenost FIPA-e da nastavi uspješno ostvarivati nove kontakte s investitorima, kojih u svojoj bazi trenutno ima preko 7.100. Dogovoreno je da će se, nakon što se kompletira projekat s nekoliko dodatnih informacija, FIPA angažirati na promociji projekta i odabiru potencijalnih investitora iz baze, kojima će projekat biti dostavljen. Naglašena je potreba za tješnjom suradnjom, razmjenom informacija o projektima i predstavljanju projekata potencijalnim investitorima.



ŠEF DIPLOMATSKOG UREDA BELGIJE POSJETIO FIPAU -AKTIVIRATI BELGIJSKE INVESTITORE NA INVESTIRANJE U BIH



William Asselborn, šef Diplomatskog ureda Belgije u BiH, posjetio je Agenciju za unapređenje stranih investicija BiH (FPA) kako bi se upoznao s aktivnostima i nadležnostima Agencije u sferi privlačenja stranih investicija i promocije Bosne i Hercegovine u međunarodnim privrednim krugovima, kao i potencijalima BiH koje može ponuditi stranim investitorima.

G. Asselborn je istakao da su investicije Belgije u BiH na niskom nivou, da se trgovina sa BiH odvija preko Hrvatske i Slovenije, te da belgijski investitori ne znaju mnogo o Balkanu, uključujući BiH, usljed nedostatka promotivnih aktivnosti na polju promocije ove regije. Također se interesirao o najznačajnijim privrednim sektorima Bosne i Hercegovine, najznačajnijim investitorima u BiH, te planovima FIPA-e vezano za promotivne aktivnosti tokom 2018. Direktor FIPA-e Gordan Milinić je upoznao g. Asselborna o Agenciji kao glavnoj adresi za strana ulaganja u BiH, o radu s investitorima od registracije firme do okončanja investicije, pronalasku investitora, njihovom povezivanju s vlasnicima projekata, te pružanju podrške. Osvrnuo se na rekordan rast stranih investicija tokom devet mjeseci 2017. godine od 60,6%, ističući registrirani iznos od 630,8 miliona KM kao značajno povećanje u odnosu na prethodne godine kada smo uglavnom bilježili pad.

S obzirom na činjenicu da se u Belgiji malo zna o BiH, na sastanku je dogovoreno da se putem Ministarstava vanjskih poslova BiH i Belgije, kao i regionalnih privrednih komora i udruženja poslodavaca Belgije, ulože zajednički naponi kako bi se organizirao investicioni forum na kojem bi se belgijskim investitorima predstavile mogućnosti za ulaganje u BiH, te kako bi se aktivirali na investiranju u BiH. Dogovoreno je da se Diplomatski ured Belgije u BiH angažira i na medijskom promoviranju BiH na osnovu kampanje „Invest in BiH“. FIPA će sa svoje strane animirati sve nadležne institucije BiH da se ulože dodatni naponi za promociju BiH u Belgiji tokom 2018.



DELEGACIJA FIPA-E U POSJETI OPĆINI SANSKI MOST



Na poziv načelnika Općine Sanski Most Farisa Hasanbegovića, delegacija FIPA-e na čelu sa direktorom Gordanom Milinićem posjetila je Sanski Most kako bi se upoznala s mogućnostima za ulaganje koje nudi ovo područje. U općini je registrirano 250 poslovnih subjekata, od kojih je većina izvozno orijentirana. Strani investitori koji posluju na ovom području dolaze iz Austrije, Njemačke, Italije, Belgije, Švicarske i Švedske. Također, značajniji investitori dolaze i iz bh. dijaspore. Neke od značajnijih firmi koje posluju na ovom području su : Remus Innovation (proizvodnja auspuha za motorna vozila, 200 zaposlenih) i Klostermeier-Majdan (eksploatacija mineralnih sirovina), dok su najveće domaće firme: Milk-San (mljekara), Gat (proizvodnja mašinskih dijelova), Emirkomerc (građevinarstvo), PVC Stolarija Horozović (proizvodnja pvc i alu stolarije), Horozović (drvena industrija), Api-med (pčelarska zadruga), Sika (metalna industrija), Banja Ilidža (banjsko-rekreativni turizam), Final-group (prerada drveta). Općina nudi mogućnosti za ulaganje u oblasti obrade metala, drveta s fokusom na proizvodnju finalnih proizvoda, parketa i podnih obloga, te proizvodnje hrane, posjeduje industrijska zonu Šejkovaču koja je skoro popunjena, te Certifikat o povoljnom poslovnom okruženju (BFC SEE). Direktor Milinić je upoznao načelnika s aktivnostima FIPA-e na promociji BiH, suradnji s ambasadama BiH u svijetu, organiziranju manifestacija radi promocije mogućnosti za ulaganje, te pronalasku investitora za bh. projekte kojih u bazi FIPA-e ima oko 450 i blizu 300 lokacija, te preko 7.100 kontakata potencijalnih investitora. Također je istakao rekordno povećanje stranih ulaganja u devet mjeseci 2017 od 60,6%, odnosno iznos od 630,8 miliona KM. Ovo je rekordan iznos u posljednjih nekoliko godina, kada je uglavnom billježen pad stranih investicija. Kada je riječ o direktnim posjetama stranim investitorima Outreach kampanja koje su realizirane u 2017. godini u Njemačkoj i Italiji, u 2018. godini kampanja će se realizirati u Holandiji s fokusom na poljoprivredni sektor BiH. Dogovoreno je da Općina Sanski Most kandidira nove projekte za koje će FIPA tražiti strane investitore, te je istaknuta mogućnost organiziranja privredne manifestacije u Njemačkoj tokom 2018. godine s ciljem privlačenja stranih investicija na ovo područje.



KREĆE PROJEKAT VRIJEDAN MILIJARDU I 20 MILIONA KM



U okviru nastavka razgovora s nadležnim institucijama o projektu RiTE Kamengrad, predstavnici China Energy Group posjetili su Agenciju za unapređenje stranih investicija BiH (FIPA) kako bi zatražili dalju podršku na putu realizacije ove investicije. Projekat ima punu podršku svih ministarstava na nivou Federacije BiH i BiH, sa kojima slijede sastanci u narednom danima.

Nakon potpisivanja Memoranduma o razumijevanju 27. novembra 2017. u Budimpešti između kineske kompanije i firme „Lager“ Posušje koja je vlasnik navedenog projekta, uslijedili su razgovori o tehničkim detaljima projekta.

Konačni sporazum o realizaciji investicije bi trebao biti potpisan u junu na Samitu 16+1 i ministarskoj konferenciji posvećenju promociji trgovine i ekonomske saradnje između Kine i 16 zemalja centralne i istočne Evrope.

FIPA će nastaviti pružati punu podršku navedenom projektu, čija vrijednost je procijenjena na milijardu i dvadeset miliona KM.



AMBASADOR JAPANA U FIPA, INVESTICIONA KONFERENCIJA ZA BiH U TOKIJU



Direktor Agencije za unapređenje stranih investicija BiH (FIPA) Gordan Milinić razgovarao je s ambasadorom Japana u BiH Nj.E. Kazuyaom Ogawa o planiranoj investicionoj konferenciji za BiH u Tokiju u prvoj polovini 2018. godine koja je predložena na nedavnom sastanku ministara vanjskih poslova BiH i Japana.

Pored FIPA-e i ambasade Japana u BiH, u organizaciju će biti uključeni i ambasada BiH u Tokiju, predstavnik FIPA-e u Japanu Shigehiko Nishihama, te Organizacija za vanjsku trgovinu Japana JETRO iz Beča s ciljem da se okupi što više japanskih privrednika – potencijalnih investitora u BiH kojima će se predstaviti mogućnosti za ulaganje.

S obzirom da u BiH nema registriranih investicija iz Japana, ova manifestacija predstavlja izvrsnu mogućnost za promociju Bosne i Hercegovine i promjenu trenutnog stanja u sferi investicija.

Kao rezultat posjete dvadesetak japanskih investitora BiH u oktobru 2016. godine, četiri bh. kompanije su imale sastanke sa japanskom firmom Makita iz Rumunije radi razgovora o mogućnosti suradnje.

Predstavnici FIPAE su također istakli da su japanske investicije dobrodošle, jer bh. privreda i građani BiH imaju veliko povjerenje u japansku marljivost i preciznost.

FIPA POSLOVNE VIJESTI ≡



SLOVENCİ ŽELE ULAGATI U ZAVIDOVIĆIMA



NJEMAČKA I TUZLANSKA KOMPANIJA PLANIRAJU GRADITI FABRIKU KREČA





SLOVENCİ ŽELE ULAGATI U ZAVIDOVIĆIMA



Načelnik Općine Zavidovići Hašim Mujanović nedavno je održao sastanak s predstavnicima slovenske proizvodno-servisne kompanije Elektro-Ka d.o.o. Ptuj.

Cilj posjete bio je istraživanje mogućnosti pokretanja proizvodnje solarne energije na području industrijske zone Ekonomija-Batvice.



NJEMAČKA I TUZLANSKA KOMPAZIJA PLANIRAJU GRADITI FABRIKU KREČA



Predstavnici Ministarstva privrede Tuzlanskog kantona održali su sastanak s predstavnicima njemačke kompanije Kalkwerke H.Oetelshofen GmbH & Co. KG i kompanije "Geoinženjering" d.o.o. iz Tuzle, s kojima je razgovarano o realizaciji investicije vezane za izgradnju fabrike kreča.

Kompanija Kalkwerke H.Oetelshofen GmbH & Co. KG postoji već 114 godina i cijeli svoj vijek se bavi proizvodnjom kamenih agregata, kamenog brašna i kreča, a do sada nije bila prisutna na tržištu BiH.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted with a semi-transparent version of its national flag, which features a yellow triangle at the top, a blue triangle at the bottom, and a white diagonal line with seven white stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA